

Vunau Ni Soro 24:12 A ra sa sogolati koya mada me vakatakilai vei ira na loma i Jiova.

Vakarua 18:6 "Kevaka e dua na livai sa lako mai ki vei kemuni, ena nona lako tiko mai vei ira na Isireli, ka sa lako tiko mai ena yalona dina ki na vanua sa digitaka o Jiova,

Ruci 1:18 Ni sa raica o Naomi ni sa dei tiko ga na nona i le o Ruci, sa qai sega tale ni vosa.

1 Veigauna 28:9 "Ia vei iko, Solomoni na luvequ, mo kila na Kalou i tamamu, ka qaravi Koya ena yalo e dinata kei na loma e vinakata; ni sa vakasaqara o Jiova na yalo kecega ka kila na nanuma ni lomada. Kevaka o na vakasaqarai Koya, o na kunei Koya; ia kevaka o na biuti Koya, ena biuti iko o Koya ka sega ni mudu.

Niemaia 4:6 Keimami sa tara na bai ka sa sema vata na bai taucoko, ka sa yacova na veimama na kena cere, ni sa dua ga na nodra vakanananu me tara na bai.

Jope 23:13 "Ia o Koya sa dei tu ga, o cei ena veisautaki Koya rawa? Kei na ka sa vinakata na yalona, sa kitaka ga.

Vakaibalebale 29:11 Na lialia sa ceburaka kece na ka sa tu e lomana, Na yalomatua sa vesuki koya vakamalua.

Aisea 26:3 O ni na maroroi koya ena vakacegu e sega yalani, ni nona vakanananu sa tu ga vei Kemuni ni sa vakabauti Kemuni.

Marika 5:15 Ena gauna era sa yaco yani kina vei Jisu, ka raica, na tamata ka curumi koya tu na vavakoso tevoro, ni sa dabe tiko, sa vakaisulu ka sa vinaka na nona vakasama. A ra sa rere.

Luke 8:35 A ra sa qai lako yani mera la'ki raica na veika sa yaco, ni ra sa yaco vei Jisu, ka ra raica na tamata sa lako tani vua o ira na tevoro ni sa dabe tiko ena yava i Jisu, a sa vakaisulu ka tuvakavinaka tale na nona vakasama. A ra sa rere.

Cakacaka 17:11 E vinaka cake sara na nodra bulu vakayalo mai vei ira na kai Cesalonaika, ni ra sa dau vakarautaka tu na yalodra mera ciqoma na vosa ni Kalou, era sa sau vakasaqaqara ena i Vola Tabu ena i veisiga, me ra kila na dina ni vosa ni Kalou.

Cakacaka 20:19 "Au sau tagi vakalevu ena vuku ni ka rarawa edau vakayacori vei au, mai na nodra buki vere ca na Jiu, ia au sa qarava ga na Turaga ena yalo e lokomi;

Roma 7:25 Au sa vakavinavinaka vua na Kalou e na vuku i Karisito na noda Turaga! Ka sa vakaoqo, au sa qarava na vunau ni Kalou e na lomaqu dina, ia na vunau ni valavala ca e na noqui tovo vakayago.

Rom 8:6 Ni sa vuni mate na gadreva na i tovo vakayago, ia sa vuni bula kei na vakacegu na gadreva na i tovo vakayalo.

Roma 8:27 Na kalou sa daudikeva na yalo ni tamata sa kila na loma ni Yalo Tabu, ni sa masulaki ira na tamata yalododonu me vaka na loma ni Kalou.

Roma 11:34 "O cei e rawa ni kila na vakanananu ni Kalou? Se dua e rawa me vakavulici Koya?

Roma 12:2 Dou kakua ni vakatatamuria na bula vakavuravura, ia mo dou veisau ga ni sa vakavoui tiko na nomudou vakasama, ka mo dou kila kina na loma ni Kalou, sa yaga, ka vinaka, ka uasivi sara.

Roma 12:16 Dou dau cakacaka vata ka lomavata, dou kakua ni dau via rogo, dou veitokani vata kei ira na sega ni rawa ka. Dou kakua ni via vaka vukuvukui kemudou.

Roma 14:5 Eso e nanuma me dokai eso na siga vakatabui mai na so tale na siga, eso e tukuna ni tautauvata kecega na siga vua na Kalou. Ni vakaoqori na vakasama, na tamata yadudua me vakatulewataka vakavinaka na nanuma ni lomana.

Roma 15:6 Sa na rawa kina mo dou duavata ka domovata, ena nomudou vakalagilagi Koya na Kalou ka Tama i Jisu Karisito na noda Turaga.

1 Koronica 1:10 Au sa kerei kemudou sara ga oqo na veiwekani, ena yaca ni noda turaga o Jisu Karisito, mo dou veirogoci ka cakacaka vata, me kakua ni tiko ena kemudou maliwa na veitovaki ena yaco kina na tawase, ia mo dou veiyaloni ka lomavata ena dua ga nai naki.

1 Koronica 2:16 O cei "Sa kila rawa na vakanananu ni Kalou, me rawa ni rau veivosaki vata?" Ia oi keda ga, ni sa tiko vei keda na mona i Karisito.

2 Koronica 7:7 A sa sega walega e na nona lako mai, ena veivakacegui talega sa sotava mai vei kemudou o Koya, ni sa mai tukuna vei keitou na nomudou gagadre titobu, na nomudou tagi kei na nomudou loma katakata ena vukuqu, au sa qai reki vakalevu cake ga kina.

2 Koronica 8:12 Kevaka sa tu vei kemudou na loma e vinakata, sa vinakati me vaka na ka sa tu vua, ka sega ni vaka e sega ni tu vua.

2 Koronica 9:2 Ni'u sa kila na nomudou yalorawarawa, na ka oqo au vakadokadokai kemudou kina vei ira mai Masitonie, o ira mai Akaia era se vakarau tu mai ena yabaki sa oti; ia na nomudou loma katakata ena cakacaka e la'ki vei vakauqeti vei ira.

2 Koronica 13:11 Au sa na mai tinia na noqu i vola na veiwekani ena vica na mala ni vosa oqo: Mo dou marau tiko, Dou tubu cake vei Karisito, Dou rogoa vinaka na ka au sa cavuta vei kemudou, Dou lomavata ka cakacaka vata, Ena dau tiko vata kei kemudou na Kalou ni loloma kei na vakacegu.

Efeso 4:23 Ia mo dou vakavouia tiko na nomudou vakasama,

Filipai 2:2,3 Mo dou vakayacora sara na ka au rekitaka ni dou sa duavata

ena vakanananu, dou sa tautauvata ena loloma, ka dou qai yalovata ka lomavata. 3 Me kua ni caka e dua na ka ena dela ni qaciqacia kei na dokadoka, ia mo dou kauti kemudou sobu, me ra uasivi cake kina vei kemudou o ira na tamata

Filipai 4:2 Au vakamamasu vei Otaia au vakamamasu vei Senitiki, me rau monavata mada ena Turaga.

Filipai 4:7 Na Nona vakacegu na Kalou, sa uasivita na ka kecega e kilai rawa, ena maroroya ka vakataudeitaka na yalomudou kei na lomamudou, ena vuku i Karisito Jisu.

Kolosa 3:12 O koya oqo, ni dou sa tamata digitaki ni Kalou, sa savasava ka daulomani, dou bulataka na loloma ni Kalou, na yalovinaka, na yalomalumalumu, na yalomalua, na vosota vakadede;

2 Cesalonaika 2:2 Mo dou qarauna na nomudou vakasama me kua ni moici rawarawa, se dua na ka me yavalati kina na yalomudou se dua e vosa vei kemudou se dua e volavola vei kemudou, (me vaka sa mai vei keitou) me vaka ni sa lako mai na siga i Karisito.

2 Timoci 1:7 Ni sa sega ni solia vei keda na Kalou na yalo meda rere, ia na yalo ga ni qaqa, na loloma kei na tauokino ni yalo matua.

Tatusi 2:6 Vakarota talega vei ira na cauravou me ra yalomatua.

Iperiu 8:10 Oqo na veiyalayalati Au na cakava vei ira na vale ni Isireli, ni sa oti na veisiga oqo, sa tukuna o Jiova. Au na biuta na Noqu i vunau ki na nodra mona ka vola ki yalodra; ena yaco Me'u nodra Kalou ka mera Noqu tamata.

1 Pita 1:13 O koya oqo mo dou qai vauca vakaukauwa na vei sema ni lomamudou, dou yadra tiko, ka vakanuinui tiko me yaco mada nai vakataotioti, mo dou rawata na loloma ena kau mai vei kemudou ena nona rairai mai o Jisu Karisito.

1 Pita 5:2 Dou vakania na qele ni sipi ni Kalou era sa tiko kei kemudou, ka dou maroroi ira ni dou qaravi ira tiko, ka sega ena vuturi, ia ena yalo e taleitaka, ka sega ni sega ga kina nomudou taga, ia me lala talega kina nomudou taga.

2 Pita 3:1 Oi kemudou na wekaqu, oqo sai karua ni noqu i vola yani vei kemudou, (nai vola ruarua oqo na noqu i vola ni veivakayadrati mo dou dau nanuma tiko).

Vakatakila 17:9 "Na vakasama ka vuku tiko kina: ni uluna e vitu sai koya na ulunivanua e vitu ka dabeca toka na yalewa oqo.